



Bentiaraq Ottosen

UPA 2026/123

Atassut

4. Juni 2026

**Nuugaatsiaq Illorsuillu siunissaat pillugu apeqquteqaat aallaavingalugu oqallisissiatut siunnersuut.**

(Inatsisartunut ilaasortaq, Aqqalu C. Jerimiassen, Atassut)

Ulloq 17. Juni 2017 unnukkaa nunatsinni annilaarnartumik pisoqarpoq tamatta eqqaamalluakkatsinnik, inoqarfik Nuugaatsiaq tassaarsuarmik eqqorneqarpoq.

Atassutip isiginnittaasia naapertorlugu innuttaasut isumannaatsuutinnissaat pingaarnerpaavoq, oqallisissiamili Illorsuit Nuugaatsiarlu immikkut immikkoortinneqarnissaat politikikkut oqallinnermi aammalu ilisimatuut nalilersuinerminni pingaaruteqartoq isumaqarpugut.

Atassutip oqariartuutigaa Pinngortitami ajunaarnersuaqarnermut piareersimaneq annertunerusariaqartoq, upalungaarsimanerup qaffasissumik iliuseqarfiginissaa pingaaruteqarpoq. Maannakkut ukiut qulingiluat qaangiutilerput Naalackersuisut peqatigalugit ilisimatuut aamma upalungaarsimanermit suliaqartut upalungaarsimanikkut periusissiaq suliariniarlugu aallartimmatali, suliaq sukkatsinneqartariaqarpoq Illorsuit ammaqqinnissaanut siunertat qulakkeerneqartariaqarmata.

Atassummiit oqarpugut Illorsuit ammaqqittariaqarpoq, suliassanik piffissalersuiinarani qulaajarneqartariaqarpoq. Nuugaatsiaq piffimmi allamiippoq tamanna isumaqarpoq Illorsuit Nuugaatsiarlu piffimmi immikkoortinnissaat isumaqarpugut pingaaruteqartoq.

Suliassaqarpugut qulakkeerinnittariaqarpugut, ilisimalluarparpummi Illorsuit eqqaa piniagassalissuuvoq aammalu imartaa aalisarnikkut nunatsinni pingaaruteqartumik inissisimasoq. Taamaattumik pisortat kiffartuusinermi aammalu pilersuisussaataanerit ammaaneqartariaqartoq isumaqarpugut, periarfissat taamatut ittut isumaqarpugut Naalackersuisut tusaassagaat.

Atassummiit Naalackersuisut kaamattorpugut Illorsuit ammarneqartariaqarpoq, qulaajartariaqarpugut meeqqanut inatsit aammalu pisortat innuttaasunut kiffartuusinerminni pilersuisussaataanerallu pillugit misissueqqissaassasut. Tassuunatigut qulakkeerumallugu Innuttaasut isumannaatsuutinnissaat, ajunaarnersuaqassatillugu ilisimatuussutsikkut uuttuutit aamma attaveqaatit patajatsumik ineriartortinneqarnissaat pisariaqarmat.

Assersuuteqarallarlanga Napolimi Italiamiittumi illoqarfissuaq 1 mio-ingajannik inoqarpoq, tassani upalungaarsimanermit oqartussaasut qaffasissumik suliaqarsimapput. Illoqarfik ungalusimavoq innermik anitsisartup eqqaaniilluni, ilisimatuunik aammalu upalungaarsimasunik nakkutigeqqissaarneqarluni. Ajornartorsiut Umiamakkumiittoq taamatut nakkutigineqartillugu



aammalu piffimmi tassani attaveqaasersuutitigut aaqqiisoqartillugu Illorsuit ammarneqarneranut tunngaveqartinneqassaaq.

Taanaattumik upalungaarsimanikkut pitsaasumik periusissiaqarnissarput pingaaruteqarpoq. Assersuusiamata takutiinarpaa qanoq inuppassuaqarfiusuni aaqqissuusisimanerit patajaatsigineranik kinguneqartoq. Taamaattumik periarfissat taamaattut Naalakkersuisut tusaallugit tigusariaqarpaat, iliuuseqarlutillu. Pinngitsoorsinnaangilarput Avannaata Kommunia peqataalluarnissaa, tassuunakkut qulakkeerneqartussaammat upalungaarsimanikkut pilersaarusionermermi ajornartorsiutit qaangerneqarsinnaasammata.

Atassummiit uummateqarfigaagut inuussutissarsiortortagut aalisartukkormiut aammalu Illorsuarni angerlarusullutik oqariartuuteqartut. Uummatikkut oqarfigaassi Illorsuit pillugu Atassummiit sukataaruteqarpugut aamma eqqortussaq nalunngilarput sunaanersaq.

Uani qulaani Atassummiit oqariartuutigisagut isumaqarpugut tusarnaarneqassasut, tassami aatsaat ilisimalerneqarpoq pinngortitami ajunaarnersuaqareernerata kingorna paasineqarmat upalungaarsimanikkut nuna tamakkerlugu periusissiaqanngitsoq. Tamanna naappertuutinnigilluinnarpoq, suliassalli tigullugit suliarinissaanut Atassummiit nukissaqarpugut.

Nuannaarutigaarput, upalungaarsimanikkut isumaqatigiissut Naalagaaffeqatigiinnerup aqqani periarfissaammat, tamatuminnga Naalakkersuisut Danmarkimi upalungaarsimanikkut aqutsiveqarfik (Beredskabsstyrelsen) peqatigalugu suliat taamaattut aallartisarneqarmata. Atassummiit maluginianngitsoorusunngilarput aamma nuna tamakkerlugu oqarasuaatitigut ajunaarnersuarnik nalunaaruteqartoqartalernissaanut aallarnisaaneq suliarineqarmat. Tamanna alloriarnertut annertuutut taaneqarsinnaalluarpoq.

Naalakkersuisut kaamattorpugut Uummannap sullorsuani attaveqaatit nukittorsarneqassasut, qulakkeerneqartariaqarmat inuit isumannaatsuunissaanut illersorneqarsinnaasumillu inissinnissaannut angummannissaat.

Taama oqaaseqarluta oqallinnissamut qilanaarpugut.

Qujanaq.